


Segun RDA:

Diabierna awor Notario lo anuncia e companianan cu a mustra interes pa e refineria of otro industria

ORANJESTAD (AAN): Manera ya caba DIARIO a informa recien, Refineria di Aruba (RdA) a extende e tempo pa por entrega e proposicionan te cu Juli 31, 2020 pa tanto e REOI-1 como tambe REOI-2.

RdA desde inicio a ricibi instruccion di su aandeelhouder pa coordina e proceso di tanto REOI-1 como REOI-2. Pa garantisa transparencia total a contrata oficina di notario New Leaf Notary pa guia e proceso cu tur interesado y colecta tur informacion pertinente y necesario.

Tambe RdA ta responsabel pa institui un Advisory Branch, cu ta consisti di expertonan riba diferente ramo, cu lo asisti RdA den evaluacion di tur e proposicionan ricibi. RdA lo mester sigura di tin por lo menos e siguiente



experto nan representa den e comision aki; experto internacional riba industria petrolero, experto riba tereno financiero y economico, experto riba tereno ambiental y un consehero huridico.

Cada oferta lo worde evalua segun e siguiente puntonan:

(*) E futuro actividad riba e tereno di e refineria di Aruba mester tin como obhetivo haci un contribucion significante na economia y na e mercado laboral local;

(*) E actividad pa futuro

lo mester cumpli tambe cu regulacionan local y e miho paractica di industria y medio ambiente, salud y seguridad;

(*) E actividad pa futuro lo mester tene cuenta tambe cu maneho di Reino Hulandes riba tereno di relacionan exterior, como tambe tuma na consideracion e sancionan economico y comercial manera enforza pa OFAC di Merca

Manera anuncia caba, e fecha limite pa entrega e propuesta di cada participante ta

vence 11:00 mainta riba diabierna, 31 juli, 2020. Despues, pa su mesun atardi lo bay tin un press event den e press room na Bestuurskantoor.

Presente lo ta notaris y staff di New Leaf Notary, representante di Directive Branch (MinPres of representante); representante di Advisory Branch (RdA); miembronan di prensa, sea presente of via life streaming, dependiendo di e Covid-19 press protocol.

Den e evento, cual lo worde guia pa notario, lo bay duna un relato completo di henter e proceso y na final presenta tur e companianan cu a deposita nan oferta pa worde evalua pa e Advisory Branch den e siguiente simannan.

Afpakteam cu findishi diabierna mainta Boto poni na benta den findishi a wordo kima madruga



ORANJESTAD (AAN):

(AAN): Riba Diabierna, Afpakteam a tene un findishi pa asina cuminsa bende algun vehiculo y boto cu a wordo tuma den beslag. N a n a pone na benta 5 vehiculo



y 3 boto. Nan tabata disponibel diabierna desde diabierna mainta na Garashi Cordia y pa 11'or di mainta, Deurwaarder Roos a inicia e findishi. Por a mira cu tabata tin 2 auto SUV (Mercedes Benz y un Lexus), un Hummer y un UTV, ademas di e 3 botonan. Pero parece cu un di e botonan repentinamente a cende na candela den oranan di madruga y mester a wordo kita for di e benta. Ta trata di e boto "Spanish Fly". Bombero y Polis a atende e caso. Tin indicacion cu un hende lo a cende e boto na candela, pero e informacion aki no a keda confirma. Sinembargo, si ta asina esey sigur lo ta algo cu a lanta hopi sospecho. Ta conoci cu e ganashi di e benta lo bay pa e fondo di combatimento di criminalidad. Afpakteam ta un cooperacion di Ministerio Publico, Cuerpo Policial di Aruba, Aduana, FIOT (Fiscale inlichtingen- en opsporingsteam) di DIMP (Departamento di Impuesto), FIOD (Fiscale Inlichtingen- en Opsporingsdienst), KMar (Koninklijke Marechaussee), Kustwacht di Aruba, MOT (Meldpunt Ongebruikelijke Transacties y RST).

EAfpakteam ta ocupa su mes cu combati criminalidad financiero economico y a wordo lanta riba prome di maart 2017. Desde su inicio Afpakteam a pone beslag riba casi 7 miyon florin.

Non-Smoking Environment

WE ARE OPEN

FREE parking for Casino Players

TODAY MIGHT BE YOUR LUCKY DAY

Try your luck.
We have more than 50 new slot machines.

Stop by, play and win

HYATT REGENCY RESORT

HYATT, Hyatt Hotels & Resorts® and Hyatt Regency Aruba Resort, Spa & Casino® designs and related marks are trademarks of Hyatt Corporation ©2020 Hyatt Corporation. All rights reserved.